


CIMELIA

Qu

5196




Civil. P. 248.



5196

CIVILIA



Cim. Gx. 5796

D. O. M. A.
 DE TEMPE-
 RAMENTIS
 DISPUTATIO ME-
 DICA:

QVAM,
*Concessu Amplissimi Medico-
 rum Ordinis in Inclita BA-
 SILENSIVM A-
 cademia,*

Sub praesidio Clarissimi Viri, Dn.
 IOAN. NICOLAI STUPANI,
 Medici Doctoris & Professoris,
 necnon eiusdem Collegij
 Decurionis,

PVBLICE

Ad excutiendum proponit

DANIEL NABOROVIVS
 POLONVS

Ad 31. Octobris, tempore ac loco consuetis.

TRYPIS GEMVSÆI, M.D.XCIII.

IL ET GEN
D. D.

VVENCESLAO
LESZCZYNSKI,

DOMINO IN LESZNO, &c.

CLARISS.

POLONORVM GENTIS
PROPAGINI INCLYTÆ:

VIVO

ANTIQUÆ VIRTVTIS
LESZCZYINIAE

EXEMPLO:

HASCE SVAS
IN STUDIO MEDICO
EXERCITATIONES

DANIEL NABOROVIVS

SVMMA CVM
ANIMI ET OFFICIORVM
PROMPTITVDINE

D. D. D.

DE TEMPERAMENTIS
DISPUTATIO.

PROPOSITIO PRIMA.

~
DIVINA ars Medica, ut una est, ita unicum quoq;
subiectum sibi toti adæquatum habet: quod com-
muni omnium, tam veterum quàm recentiorum
Medicorum consensu, nobilissimum ac præstan-
tissimum, corpus scilicet humanū, quatenus in-
ter sanitatis & morbi terminos consistit, statuitur.

II.

Quum enim artis (ut & scientiæ) subiectum dupliciter ac-
cipiatur, partim ut res considerata, & ut modus consideran-
di: hic quidem res considerata est corpus humanum; modus
autem considerandi, quatenus sanitatis particeps, vel morbo
obnoxium existit.

III.

In utriusq; consideratione Medicus tanquam naturæ mi-
nister versatur. In huius quidē, quatenus illum propellendo
amissam restituit; in illius verò, quatenus præsentem conser-
vat sanitatem. Atque sic scopum habebit sanitatem ipsam; ad
quam consequendam conservandamq; totus incumbit.

IV.

Corpus verò humanum, ut & cæteræ res sublunares om-
nes, ex quatuor Elementorum mixtione ortum habet.

V.

Vbi per Elementa nō ipsorum virtutes tantum, sed & sub-
stantias quæ simul in mixto existūt intelligimus. Neq; enim
mixtorum corpora ex qualitatibus tantum, ut quibus sine
proprijs subiectis ne esse quidē licet; sed ex ipsis quoq; cor-
poribus, quibus summæ qualitates inherent, nascuntur.

VI.

In eadem Elementorum mixtione, qua res compositæ
generantur, necesse est *ἡ ἰσότης καὶ ἡ ἀνάγκη*, id est Ele-
menta tota per tota misceri: qua de re apud omnes con-

stat: & est hoc cognitu necessarium in Medicina.

VII.

An verò id ipsum facit τὰ μᾶλλον ἢ τὰ ὀλίγον, ἢ ἂν ἀλλήλων ἰσότηρ: id est, solis Elementorum qualitatibus se mutuò penetrantibus, ut placuit Aristoteli: an verò, ut Stoici existimarunt, ἢ τὰ μᾶλλον ἢ τὰ ὀλίγον, ἢ ἂν ἀλλήλων ἰσότηρ: id est, ipsis in super corporeis Elementorum substantijs se mutuò penetrantibus: id ut cognitu non necessarium, in medio relinquimus.

VIII.

In mixto corpore quanquam qualitates minimè refractæ sint; contrariorum tamen perfusione contemperatæ, & quasi vincitæ cohibentur, ne fummas suas vires proferre possint. Et cum impares concurrunt; mox ab ea quæ præcellit infirmior obliteratur, nec eundem statum perpetuò servat. Quod si pares in permissionem venerunt, nec per initia sese mutuò demoliuntur; breui tamè temporis spatio dispares euadūt.

IX.

Ex horum itaq; nempe calidi, frigidi, humidi, sicci attemperatione, corpora omnia quæ penes nos sunt gignuntur; igne, (inquam) aëre, aqua, & terra. Quanquam enim formæ illorum alterentur mutanturq;: manent tamen quædam, quæ illis proportionem respondent: ut si dicat aliquis; Pars ignea, aërea, aquea, terrea.

X.

Et quidem, pro ratione substantiæ Elementarium, in hac contemperatione, generatur per totum quidam substantiæ modus atq; proprietates; per quam singula membra suas operationes obtinent.

XI.

Quod Galenus innuere videtur, libro 6. de Placitis Hip. & Plat. Quocirca (inquiens) singulis ex substantiæ proprietate, propria quædam functio contingit; unde vitata temperie, necessario vitiantur Actiones.

XII.

Quatuor autem elementa ad perfectè mixti temperationem requiri diximus: propterea quòd sine omnium mistio-
ne

ne temperamentum minimè induci possit. Non enim si quis aquam & ignem tantum paribus coniungi portionibus statuat, & hinc propter quandam repugnantiam, temperationem aliquam inferri, ea protinus pro vero temperamento habenda: eiusmodi enim manca est & imperfecta: qualia sunt ea, quæ è sublimi deturbata *μετεωρα* appellantur.

XIII.

His ergo omnibus fundamenti loco præmissis, talis exurgit temperamenti generalis definitio: Temperamentum est calidi, frigidi, humidi, sicci, mixtio.

XIV.

Ex huiusmodi autem mixtione, non intelligimus unam talem fieri qualitatem, quæ ex actione & passione quatuor contrariarum qualitatum, in elementis inventarum, seu quanta resultet, solâq; remaneat cæteris perevitibus: quemadmodum Avicennam Fen. prima. Can. 1. Doctr. 3. cap. 1. quidam interpretantur.

XV.

Id enim absolum esse, vel illud convincit, quòd aut unicam qualitatem eiusmodi in unico individuo (ut si sumamus Petrum) oportebit esse: aut plures, secundum differentiam temperamentorum quæ membra fortuntur. Ex quorum utroque absurditatem sequi necesse est.

XVI.

Et hæc est vera definitio temperamenti. Quod verò differentias eiusdem attinet: Temperamentorum unum temperatum, seu æquale; octo distemperata, seu inæqualia existunt.

XVII.

Temperamentum æquale, Græcis *ἰσοκρατορ* & *σύμμετρον*, duplex est. Temperatum absolute & simpliciter, sive æquale *κατὰ μέτρον*, vel ad pondus: & Temperatum in singulis generibus, sive æquale ad iustitiam, seu *κατὰ δικαιοσύνην*.

XVIII.

Temperatum absolute est id, quod Galenus vocavit *ἀπλῶς μέτρον*, id est simpliciter Medium; quodq; æquali quatuor Elementorum portione constat, planeq; medium existit inter ea

A 3: quæ

quæ extremè calida, frigida, humida, siccaq; sunt.

XIX.

Temperatum in singulis generibus, seu ad iustitiam est, in quo ea contrariorum portionum mediocritas consistit, quæ tum animantis, tum stirpis naturæ maximè convenit: à prioris tamen exquisita illa atque absoluta missione, multum abest.

XX.

Tum enim animal uel stirpem optimè se habere dicimus; cum suam functionè ritè, & citra reprehensionem obire potest. Sic equum cum velocissimè currit, sicut cum plurimos & optimos ficos profert, vitem ubi plurimas & optimas pro ducit uvas, benè temperata dicimus.

XXI.

Nec hoc cuiquam admirationem pariat, temperatum nos appellare id, quod exactè medium non sit: cum temperati vocabulo latè utamur. Nam & potionem, & balneum temperata dici, usus communis comprobat; non solum quando alterum huic, illi alterum tale est, sed etiam cum ad eundem hominem in latitudine tale est.

XXII.

Hæc itaq; téperata ac *συνμετρα* dicimus. Verùm ubi quid à prædicta mediocritate recedit, intemperatum, & *ἀνισμετρον*, *ἀνισμετρον* *ἢ* *συνμετρον* appellatur; ab eoq; contrariorum quod vincit & superat, nomen accipit.

XXIII.

Huius intemperati, seu inæqualis temperamenti duplex genus statuitur: aliud enim simplex est, & aliud compositum.

XXIV.

Temperamentum inæquale simplex est, quod in una tantum oppositione intemperatum est; & in quo una tantum contrariorum qualitatum à mediocritate recedit, à qua deinde nomen sortitur.

XXV.

Differentias hoc temperamentum inæquale simplex quatuor obtinet. Calidum tantum, in quo calor frigori antecedit,

lit, humoris autem & siccitatis mediocritas est: Frigidū tantū, in quo frigus calorē superat: Humidum tantū, cuius humor vincit & dominatur: Siccum tantū, in quo siccitas præ humore primas obtinet, mediocribus ijs quæ in altera oppositione sunt contrarijs.

XXVI.

Temperamentum inæquale coniugatum est, in quo duæ qualitates reliquis potentiores existūt, & à mediocritate recedunt; à quibus illi nomen imponitur.

XXVII.

Cum enim duæ tantū sint oppositiones, quæ terminis quatuor concluduntur; neq; unius eiusdemq; oppositionis utraq; qualitas à mediocritate recedere, & supra modū augeri queat; plures duabus excellere non possunt.

XXVIII.

Huius temperamenti inæqualis compositi quatuor quoque constituitur differentiae: Calidum cum humido, Calidū cum sicco, Frigidum cum humido, Frigidum cum sicco. Plures non possunt natura consistere, etiam si sex eiusmodi coniugationes numerari possint. Etenim frigus cum calore, ut & siccitas cum humiditate, supra modum excellere non possunt.

XXIX.

Quamvis autem octo sint constitutæ temperamenti inæqualis differentiae; uniuscuiusq; tamen pro minori vel maiori recessu, plura fieri possunt discrimina, prout impari ab sunt à mediocritate intervallo.

XXX.

Quemadmodum & ea quoq;, quæ æqualia ad iusticiam temperamenta dicuntur, non æquali modo in mediocritate considerantur. Alia nempe inanimatorum, alia stirpium, alia animantiū; & in his rursus alia hominis, alia leonis, alia equi, alia canis mediocritate existente.

XXXI.

Pro qua mixtionum diversitate, multipliciter quoq; calidum, frigidum, humidum, siccum accipitur.

XXXII.

Primum enim ita dicitur unum quodque eorum ἀπλῶς ἢ ἐκλεγεῖναι, id est, absolute & pure: quomodo Elementa absolute & simpliciter calida, humida, frigida, sicca dicuntur.

XXXIII.

Secundo ἐν τῷ πλεονεκτήνῳ πρὸς τὸ ἐλάττω, id est, per exuperantiam qua in mixto superat suum contrarium: qua ratione id in quo maior est caliditatis portio, calidum dicitur. Talia autem sunt omnia ex mixtione elementorum genita.

XXXIII.

Quæcunq; verò in tali significatione Calida, Frigida, Humida, Siccaq; dicuntur; ea omnia per quandam comparationem explicantur & intelliguntur.

XXXV.

Hæc ipsa comparatio aliquando fit πρὸς τὸ ἀπλῶς μέσον, id est, ad id quod medium est in universa substantia; quodq; æqualiter distat ab extremis.

XXXVI.

In tali comparatione Calida, Frigida, Humida Siccaq; dicuntur, quæcunq; τῷ ἀπλῶς μέσῳ, id est, eo quod exactè medium existit, sunt Calidiora, Frigidiora, Humidiora, Sicciora.

XXXVII.

Aliquando fit comparatio non πρὸς τὸ ἀπλῶς μέσον, sed ad aliud aliquod ὁμιμετρον: quod aut in medijs generibus Substantiarum consistit, aut in extremis speciebus.

XXXVIII.

Aliquando deniq; fit comparatio ad nullum medium, sed ad unum aliquod obuium.

XXXIX.

Hinc fit, ut prout ad aliud atq; aliud cōparatio instituitur, ita eadem res modò calida, modò frigida, humida aut sicca dici queat.

XL.

Verum his quæ hætenus de Temperamentorum differentijs diximus, multa obfarc videntur. Primum est sententia eorum, qui quatuor tantum temperamentorum discrimina statuunt. Alterum eorum opinio, qui Temperamentū æquale ad

le ad pondus tollunt. Tertium assertio, quòd nulla tempera-
menta inæqualia simplicis lapsus possint esse, affirmantium.

XL I.

Prioris sententiæ autores sunt Barbari : qui temperamen-
tis appellationes tribuunt, non ex qualitatibus, sed humori-
bus, in corpore humano existentibus, acceptas: ita ut homo
non dicatur illis calidus, frigidus, humidus, siccus, aut aliqua
horum secundum coniugationem perpeffus : sed Biliosus, Pi-
ruitosus, Sanguineus, Melancholicus.

XL II.

Atque sic pro ratione quatuor succorum, in humano cor-
pore existentium, quatuor quoq; temperamentorū species
statuunt, secundum quatuor qualitatū, in ijs succis existen-
tium, coniugationes: Calidam scilicet & humidam; Calidam
& siccam; Frigidam & humidam; Frigidam & siccam: quod
vulgò omnes ferè approbare videntur.

XL III.

Quòd si tamen hæc diligenter expendantur; nequaquam
repugnant ijs, quæ de novem temperamentorum differētijs
antè dicta sunt.

XL IIII.

Cum enim quatuor humores rationem habeant quatuor
Elementorum, ita possunt inter se varijs modis commisceri,
ut easdem temperamentorum differentias producant.

XL V.

Qui verò temperamentum æquale ad pondus tollunt, (ut
quidam ex Arabibus faciunt) hæc nobis obijciunt ex mixti
generationis consideratione.

XL VI.

Mixtum nullum generari potest, nisi aliquod Elemento-
rum superet: siquidem nullus ortus fieri potest, ubi non est
quod superat, & quod superatur. Præterea, debet esse aliquid
quod moveat, misceat, & generet: sed quodcūq; illud sit, re-
liquis eminentius, æqualitatem inturbet necesse est.

XL VII.

Ex quorum argumento colligimus; vel agens aliquod re-
quiri

quiri in mixti generatione, cui hæc actio tanquam causæ efficiendi tribuitur: vel corrumpens formas Elementorum: vel aliquid eiusmodi, quod permisceat, id est, pugnæ principium det, comminuat, & comminuta iuxta ponat.

XLVIII.

Ad huiusmodi itaq; rationes dicimus, singulis Elementis inesse vim Agendi simul atque patiendi: maiorem quidem, magisq; Activam, Elemēto calido & Frigido: Minorem, passivamq; magis, Humido & Sicco: quarum ratione commiseri, uniriq; possunt, aliquando pares, aliquando dispares eorum portiones.

XLIX.

Et Naturam illam superiorem implantasse vim seminibus singularum substantiarum, ut de quoq; Elemento tantum ad sui generationem trahant, quantum cuiq; illarum optime conuenit.

L.

Sed dicent præterea: Si eiusmodi temperatio omninò fieri posset: fieret utiq; in humano corpore, tanquam perfectissimo, & cui maximè competit. Sed humanum corpus tale esse non potest: siquidem necessariò debet esse calidum & humidum, utpote in quo solo vita consistit. Non potest igitur corpus aliquod exactè temperatum fieri eiusmodi temperamento.

LI.

Verùm his respondetur, aliud esse dicere, Viventia calore & humore vivunt; & aliud, Viventia sunt calida & humida. Nam, quamvis non omnes res excedenti calore vivant; vivunt tamen calore suo, & sibi naturali: nec refert illas excellenter esse frigidas. Ventriculus enim quamvis sit frigidum & exangve membrum; nihilominus calore suo cibos conficit.

LII.

Quare viventia vivunt calore, qui humore sustentatur: siquidem mors naturalis per delicationem & refrigerationem accidat: non sequitur tamen illa esse calida & humida absolutè,

absolutè, & simpliciter: sed collata ad demortua, quæ scilicet
seca & frigida evadunt.

LIII.

His in hunc modum remotis, nostram sententiam confir-
memus: & videamus, an naturaliter eiusmodi temperamen-
tum ad pondus possit consistere. Hoc enim si evincere po-
terimus, nemo negabit, in humano corpore tale esse posse.

LIV.

Corpus namq; humanum, ut omnium generabilium sub-
stantiarum est perfectissimum; ita temperamento eiusmodi,
in aliqua saltem parte, maximè indigere videtur, propter sen-
sum tactus; quem, teste Aristotele in suo hac de re libello, de-
bet habere perfectissimum.

LV.

Nam cum is explorator existat Calidi, Frigidi, Humidi,
Sicci: mediam temperiem habeat necesse est. Nulla enim ra-
tione poterit melius experiri primas qualitates, quàm si in
medio earum exactè consistat.

LVI.

Subscribit huic sententiæ, quòd novimus temperamenta
mutari, ex calido in frigidum, & ex humido in siccum; æqua-
libus interdum agentibus ac patientibus existentibus.

LVII.

Qua re per hypothesin posita; constat, illa temperamenta
in medio motus temperata exactè fieri. Siquid enim agen-
tia respondent patientibus; necesse est, ut illud temperamen-
tum quod ex calido in frigidum, & humido in siccum abit,
in medio motus eiusmodi mediocritatem habeat, per eam-
que deducatur: atq; sic temperamentum æquale ad pondus
dari manifestum est.

LVIII.

In eadem hac significatione Temperati, quod ἀνδρῶν, ad
pondus, æqualiq; portione Elementorum constat; neq; ho-
minem, neq; ullum aliud animal Temperatum esse dicimus.

LIX.

Id enim propterea esse non potest, quia ex varijs partibus
constat

constat omne animal: quarum aliæ aliam mixtionem calidi, frigidi, humidi sicciq; requirunt: unde nequit fieri, ut quod ex tanta partium varietate constat, evadat temperatū *ἀνθρώπου* per universum corpus.

L X.

Sed partes quasdam, præsertim in homine, temperatas hoc modo ad pondus esse dicimus: & eas præcipuè, quibus pro Tactus instrumento utimur: ut Volam manus.

L X I.

Idipsum quoq; quod *ἀνθρώπου* & ad pondus temperatum dicimus, cum latitudine quadā intelligimus. Perfectius enim temperata est, in tali significatione, cutis volæ manus in alijs, quàm in alijs hominibus.

L X I I.

Quod autem Galenus lib. 4. cap. 4. & 5. de tuenda sanitate differit de extrema *ἀνταρσία*, quæ summa sit; non intelligere oportet de temperamento ad pondus cōsiderato: sed de eo, quod ad iustitiam dicitur.

L X I I I.

Verum hæc de duabus primis opinionibus dicta sufficiat. Restat eorum assertio, qui nullum temperamentum inæquale simplicis lapsus dari posse affirmant: inter quos præcipuus est Averroes. Argumenta autem eorum, brevitati studentes, omittimus; sufficere rati, si eiusmodi temperamentum dari ostenderimus; & quidem iisdem ferè argumētis, quibus utitur Galenus lib. 1. cap. 8. de Temperamentis.

L X I V.

Si enim quatuor temperamenta composita conceduntur; necesse est quoq; dari quatuor simplicia: ed quòd, si calidum temperamentum non necessariò cum sicco coniungitur, sed potest etiam coniungi cum humido; multò magis poterit coniungi cum medio. Idemq; de Frigido, Humido ac Sicco censendum est.

L X V.

Quæcunq; enim primarum qualitatum potest coniungi cum utroq; extremorū, ea potest etiā coniungi cum medio.
Deinde,

LXVI.

Deinde, si omnes qualitates cum mediocritate quadam commisceri possunt; ut in *simplicibus* temperamēto: multò magis poterunt ita misceri, ut aliquæ sint mediocres, aliæ immoderatæ; ut in quatuor simplicibus temperamentis.

LXVII.

Quare manet adhuc immotum, novem esse in universum temperamentorum differentias; quæ pro ratione tum ætatum, tum partium ipsarum corporis animati, aliter atq; aliter se habent.

LXVIII.

In ætatibus quidem, vitæ exordium habet temperamentum calidum & humidum, extremum contrà frigidum & siccum: Medium, humidi & sicci, mediam quasi temperiem accipit; attamen in frigido & calido, nondum id, sed quod illi deinceps est, mediocre apparebit.

LXIX.

Quare, si non absolutum illud, & æquale ad pondus temperamentum; sed quale optimum in suo genere dicitur, investigamus: illa ætas eiusmodi prædita temperamento censetur, quæ ipsum punctum vitæ medium tum modico intervallo antecedit, tum ab eo in aliquanto maius post spatiū extenditur.

LXX.

Quicquid autem mediam hanc ætatem anteit, calido & humido excellit, verum non eadem ratione. Nam initium calidum & humidissimum: quod verò sequitur, simili calore viget, humore autem longe inferius existit: ut quamvis siccum non sit, sed ne ad mediocritatem quidem depressum; initij tamen collatione, siccum dici possit.

LXXI.

Quod verò à medio in extremum vitæ tempus extenditur, id omne frigido ac sicco tenetur: sed non peræquè. Si quidem pars quæ postrema existit, tam frigido, quàm sicco magis excellit: illa verò quæ eam præcedit, frigore ac siccitate temperatior esse solet.

LXXII.

Temperamentorum porro quæ in partibus animantium existunt, differentiæ tactu iudicantur; & pro ratione duri & molli, calidi frigidiq; sumuntur: ita quidem, ut ea quæ molli sunt, humida; quæ verò dura, sicca existant. Neque enim tantus est in animali dum vivit calor, ut emolliat sicca liquando: nec tantum frigus, ut induret humida congelando.

LXXIII.

Tactus enim, tum solus, tum cū ratione iunctus, ea diiudicare valet, quæ actu seu *esse* per se, & non per accidens calida, frigida, humida, siccaq; existunt. Nec cuiusvis animantis tactus, sed solius hominis: nec cuiusvis hominis, sed illius qui optimi sit habitus, temperatusq; censetur: nec etiā quævis temperatissimi hominis particula, sed cutis tantum ea, quæ in vola manus est.

LXXIV.

Nam quamvis tactus sit per totam cutem æquabiliter fusus: tamen cum ea quæ in manu est, ab omnibus extremis pari absit intervallo, & in eorum medio sita, omnis excessus expers sit: norma & quasi scopus omnium temperamentorum, quæ actu talia sunt, rectè intermescendorum existit: si modo ab ijs quæ extrinsecus occurrunt, nihil sit immutata; nec ut in fossoribus, & remigibus, callo obducta.

LXXV.

Calidi itaque & frigidi actu & per se existentis, solus tactus est index: Humidi verò & sicci, unà cum ratione. Nam quod siccum est, durum omnino existit: non econtrà, nisi mediocriter calidum sit. Nam nec quod à frigore concretum est, durum: nec quod cum vehementi calore molle, id statim est humidum: verum cum mediocriter est calidum, tum æstimate durumne, an molle sit, oportet. Si enim molle sit, humidum; si durum, siccum iudicandum.

LXXVI.

Ita autem Tactu iudicari debent singularū partium temperamenta, ut quæcumque præter eam cutem, quæ in manu hominis benè temperati existit, molliores sunt, inter humiditas

das partes referantur: Quæ eadem sunt duriores, pro siccis habeantur. Quæ eadem cute eadem tangentibus apparent calidiores, calidæ censeantur: & frigidæ, quæ eadem sunt frigidiores.

LXXVII.

Totus verò corporis habitus consideratur non volæ manus respectu: sed per comparisonem, quæ instituitur ad hominem optimè temperatum, & *δυνάστην*.

LXXVIII.

Is verò non tactu, sed functionum præstantia describitur & cognoscitur. Nam is homo omnium temperatissimus est, qui habet omnes functiones præstantissimas.

LXXIX.

Quicumq; igitur hoc ipso homine calidior, frigidior, humidior, sicciorq; fuerit: is calido, frigido, humido, siccoq; temperamento esse dicitur.

LXXX.

Cognoscendi verò modus sumitur cum ex tactu ipso, tum functionibus, passionibusq;: utpote habitu corporis, gracilitate, obesitate, pilositate, glabrie, albore, nigritiæ, venarum magnitudine, & parvitate, alijsq; similibus.

LXXXI.

Hæc igitur omnia, de quibus hætenus dictum, temperamenta, actu calida, frigida, humida, & sicca dicuntur. Sed in temperamentis Medicamentorum, longè alia ratio est,

LXXXII.

Medicamenta enim calidam aut siccam, frigidam aut humidam temperaturam habere dicuntur; non quòd tangentibus talia sint, sed quòd corpori animantis admodum, generent calorem vel frigus: undè ad superiorum differentiam, *δυνάμει* seu potentia à Galeno libro tertio Temperamentorum talia dicuntur; & in scholis communiter Virtuali qualitate prædita nuncupantur.

LXXXIII.

Opium enim & Piper digitis si tangas, nullum calorem;

B. 4. nullumq;

nullumq; frigus senties: sed si utrumque in corpus ingeras;
huius calorem, illius frigus percipies.

LXXXIV.

Quæ autem talia sunt Medicamenta, operari in corpus non possunt, nisi aliquid prius fuerint perpeffa: hoc est, nisi à calore nostro (à nulla enim aliare, præter caloré, & quidem animantis, principium commutationis suæ sumere possunt) ex illa potentia in actum deducantur. Simpliciter enim loquendo, nihil aliud est potentia esse calidum, vel frigidum; quàm tale esse natura, ut facile calidum vel frigidū actu fiat.

LXXXV.

Quæ cum ita sint; solius humani corporis respectu indicanda erunt, quæcunque calida, frigida, humida, siccaq; secundum potentiam dicuntur: ita quidem, ut quæ refrigerare illud possunt apposita, aut intus sumpta, pro frigidis habeantur: & pro calidis illa, quæ idem possunt calefacere. Idemq; de humidis ac siccis sentiendum.

LXXXVI.

Nec tantum in Medicamentis considerare oportet, num corpus nostrum calefacere, refrigerare, humectare, aut siccare possint: sed discrimina quoq; eorum cognoscere decet, & intelligere, quæ horum aut multum calefacere, refrigerare, siccare, aut humectare possunt.

LXXXVII.

Huius rei causa, Galenus omnium primus, ea quæ veteribus negligentius tractata, aut nimia breuitate intermissa, cum in Medicamentorum temperie, tum alijs in rebus, dilucidè explicavit. Et eorum quæ potestate Calida, Frigida, Humida, Siccaq; sunt, quatuor ordines, quos gradus etiam vocant, constituit. *Libro 1. de simplicib. cap. 13.*

LXXXVIII.

Et in primo ordine illa sunt, quæ leuiter calefaciunt, refrigerant, humectant, & siccant: ut in Calefacientibus Absinthium, Anethum, Fœnogræcum: in Refrigerantibus Rosaceum. Ita quarto gradu, quæ extremè id ipsum possunt efficere: ut in Refrigerantibus Opium, Cicuta,

Sed

LXXXIX.

Sed obijciat aliquis : Primò , si corpus nostrum Medicamenta calefaceret , non posset præstare calorem maiorem eo quem habet : alioqui ultra gradum perfectionis suæ ageret : medicamentum verò minori aut æquali calore non recalciferet . Cum enim calidius redditum non fit , non poterit calefacere . Ergo aut medicamenta à nostro corpore non calefiunt , aut illud non recalcifiunt .

XC.

Secundò , si quidem calor à calore , frigus à frigore in his elementaribus corporibus generatur ; frigida medicamenta , à calore in actum deduci non poterunt . Frigus enim à calore generari nequit .

XCI.

Verùm quod primam obiectionem attinet , eam soluit Galenus libro tertio Temperam. Quòd scilicet nihil sit absurdum , si aliqua exiguum consecuta auxiliù , maximam à priori natura mutationem habeant : cum multa eiusmodi quotidie cernantur in ijs quæ extra nos sunt ; quod multis confirmari potest exemplis .

XCII.

In Myſia enim integra domus conflagravit ex solo stereo columbino ; quod ab ardenti sole inflammatum , fenestræ proximæ , resina illitæ , suum communicavit incendium : quoniam scilicet solis lumen , quantum natura potuit caloris genuit ; ligna autem ac tota domus , ex materiæ dispositione , ad maiorem caliditatem delapsa sunt .

XCIII.

Sic Archimedes simili exemplo , hostium triremem urentibus speculis incendisse fertur . Et Medea pharmaco , ex sulphure & bitumine facto , multa illinebat , quæ postea caloris superuentu accendebantur & inflammabantur , propter materiæ suæ dispositionem .

XCIV.

Sic quoque Medicamentum , propter eam dispositionem , quam habet in modo mixtionis , incallescit per se ; quia scilicet à

cet à calore accenditur : ad tantam verò caliditatem venit ex accidenti ; quia scilicet eiusmodi habet materiae dispositionem . Vnde prior gradus usque ad æqualitatem cum nostro calore per se generatur : alter, ulterior scilicet, non item, sed per accedens.

XCV.

Quod uerò secundam obiectionem attinet ; notandum, ea quæ ad recipiendum multum calorem aut frigus natura comparata sunt, contrariam qualitatem inducentibus multum resistere : sic piper ægerimè refrigerari ; opium difficile caleferi.

XCVI.

Quo præsupposito, respōdetur, Frigida non propterea refrigerare corpus, quòd refrigerantur prius ; sed quia à nostro calore insuperata manent, non incallescere : interim tamen, cum à nostro calore comminuta & alterata irritentur quasi, ab illoq ; principium commutationis fumant ; rectè etiam de potentia in actum deduci dicuntur.

XCVII.

Quare quæcunq ; sunt vel Calida, vel Frigida, vel Humida, aut Sicca secundum potentiam : ea siquidem corpus nostrum alterare possunt, Medicamēta sunt. Et quæ illud tantummodò alterant, solum sunt Medicamenta, siue bona, siue mala.

XCVIII.

Quæ uerò non alterant tantum, sed etiam alterantur, & à corpore nostro tandè vincuntur, & in suam substantiā mutantur ; Cibi simul & Medicamenta existunt.

XCIX.

Ex humoribus quoq ; qui in corpore existūt, quidam habent vim exsiccan-di, & refrigerādi : quamvis omnes actu sint fluidi, humidi, & calidi.

C.

Et hæc de Temperamētis, ex Hippocratis & Galeni sententia, hætenus allata sufficiant. Ea enim quæ de morbosa intemperie, actiones oblādente, dicuntur, cū huc minimè pertineant ; ad Pathologicam partem potius ableganda sunt.

COROL.

COROLLARIA.

I.

Utrum mares, an verò femina natura sint calidiores.

II.

Utrum iuvenes, an verò pueri maiori abundent calore.

III.

An iuvenilis ætas omnium sit temperatissima.

Π'ΑΡΕΡΓΟΝ.

Utrum cor, an verò cerebrum principatum in corpore abtineat.

F I N I S.

1871







